



BURSA SHQIPTARE E ENERGJISË ELEKTRIKE - ALPEX SH.A.

Nr 257 Prot.

Tiranë, më 31.10.2023

Lënda: Propozim për miratimin e Metodologjisë përcaktimin e strukturës së tarifave në ALPEX dhe miratimin e Listës së Tarifave.

ENTIT RREGULLATOR TË ENERGJISË

Bulevardi “Bajram Curri”, Rruga “Viktor Eftimi” Nr. 1023, Tiranë.

Inderuar Z. Ahmeti,

Bursa Shqiptare e Energjisë Elektrike – ALPEX sh.a, në kuadër të detyrimeve dhe angazhimeve të ndërmarrës në cilësinë e të licencuarit si Operator i Tregut të Energjisë Elektrike, si dhe përgjegjësive të ndërmarrës në cilësinë e Operatorit të Emëruar të Tregut të Energjisë Elektrike (NEMO), duke patur parasysh rolet dhe përgjegjësitë e këtij funksioni, si dhe bazuar në parashikimet e Vendimit të Bordit të ERE Nr. 347, datë 27.12.2022 “Për miratimin e rregullave të tregut të energjisë elektrike (rregullat e alpex, përkufizimet, procedura e tregtimit si dhe procedura e klerimit dhe shlyerjes), Rregulloren NEMO, si dhe Kushtet e Licensës të Operatorit të Tregut të Energjisë Elektrike, Ju paraqet:

1. Propozimin për miratimin e Metodologjisë përcaktimin e strukturës së tarifave në ALPEX; dhe
2. Propozimin për miratimin e Listës së Tarifave të ALPEX.

Bazuar në parashikimet e “Rregullores së kërkesave dhe procedurave për përcaktimin e Operatorit të Emëruar të Tregut të Energjisë Elektrike (NEMO) si dhe rolet e përgjegjësitë e NEMO dhe Operatorit të Sistemit të Transmetimit të Energjisë në tregun e bashkuar”, miratuar me Vendimin e Bordit të ERE Nr. 40, datë 06.03.2020, bazuar në detyrimet e ALPEX të parashikuara në Vendimin e Bordit të ERE Nr. 200, datë 23.06.2023 “Mbi kërkesën e shoqërisë Bursa Shqiptare e Energjisë Elektrike - ALPEX sh.a për tu përcaktuar si Operatori i Emëruar i Tregut të Energjisë Elektrike (NEMO)”, si dhe në vijim të parashikimeve në Rregullat e Tregut të Energjisë Elektrike - Kushtet e Përgjithshme, këto Tarifa do të propozohen nga ALPEX dhe do të miratohen nga Enti Rregulator i Energjisë.

ALPEX e ka hartuar këtë dokument duke u mbështetur në eksperiencën e deritanishme të tij përsa i përket tregtimit në Tregun e Ditës në Avancë për zonën e ofertimit të Shqipërisë, përgatitjes për lancimin e tregut të ditës në avancë për zonën e ofertmit të Kosovës së bashku



me bashkimin e tregjeve Shqipëri - Kosovë, duke u bazuar në draft dokumentin “Metodologjia për përcaktimin e strukturës së tarifave në ALPEX”.

Referuar Nenit 6.5 të Marrëveshjes kornizë mbi bashkimin e tregjeve të energjisë elektrike të Shqipërisë dhe Kosovës të datës 21.10.2021, nënshkruar nga Enti Rregulator i Energjisë i Shqipërisë (ERE), Zyra e Rregulatorit për Energji e Kosovës (ZRRE), Operatori i Sistemit të Transmetimit të Shqipërisë (OST sh.a) dhe Operatori i Sistemit, Transmisionit dhe Tregut të Kosovës (KOSTT sh.a), ku është parashikuar se Rregulatorët do të kordinohen në të njëjtën kohë për miratimin e termave, kushteve ose metodologjive, Ju bëjmë me dije se ky propozim po paraqitet në të njëjtën kohë edhe pranë ZRRE-së, në mënyrë që kjo metodologji të aprovohet në përbajtje identike.

Përsa më sipër, bashkëngjitur kësaj shkrese do të gjeni dokumentin “Metodologjia për përcaktimin e strukturës së tarifave në ALPEX”, e cila përfshin propozimin e ALPEX për metodologjinë për përcaktimin e strukturës së tarifave dhe propozimin e Listës së tarifave të ALPEX sh.a si Operatori i Emëruar i Tregut të Energjisë Elektrike (NEMO) për tregjet e Shqipërisë dhe Kosovës.

Duke Ju falenderuar për bashkëpunimin, mbetemi të hapur për çdo kërkesë apo sqarim të mundshëm përsa më sipër.

Me respekt,

ADMINISTRATOR i ALPEX sh.a

Sokol Dishnica



METODOLIGJIA

PËR PËRCAKTIMIN E STRUKTURËS SË TARIFAVE NË ALPEX

Konsiderata të përgjithshme

Lista e Tarifave aktuale të ALPEX është aplikuar prej fillimit të operimit të ALPEX-it për zonën e ofertimit të Shqipërisë. Prej asaj kohe, ALPEX ka vlerësuar ndikimin e strukturës së tarifave për të përmirësuar situatën e vetë financiare ose për të akomoduar çdo kërkesë për ndryshim nga anëtarët e bursës. Tregu i energjisë ka ndryshuar me prezencën e më shumë aktorëve të rinj dhe priten të tjerë aktorë duke sjellë kompleksitet më të madh, i cili përfshin prezantimin e tregjeve të tjera rjonale, rritje më të shpejtë të burimeve të rinovueshme dhe zhvillimin e teknologjisë në territori.

Më konkretilisht, kërkon se më shumë automatizim i proceseve me sisteme të reja, standardizimi i proceseve në ALPEX në funksion të sigurisë së informacionit, zhvillimi i stafit, prezenca e ALPEX-it në forume, panaire dhe konferencia rjonale dhe europiane. Të gjitha këto sfida dhe ndryshime kërkojnë adoptimin me teknologji dhe të shpenzimeve operative për ALPEX.

Pasqyrat financiare të ALPEX-it 2022 raportojnë që zëri i shpenzimeve i atribuohet shpenzimeve të personelit (57%), shpenzimet e tjera te shfrytëzimit (36%). Vlera neto e aktiveve është rreth 9.5 milion lek.

Në përcaktimin e strukturës së tarifave për anëtarët pjesëmarrës në tregjet e ALPEX-it, është marrë në konsideratë objektivi që kapitali neto i shoqerisë të jetë i barabartë me kapitalin e nënshkruar, atë në vlerën 250 milion lekë deri në fund të vitit 2028 sipas kalendarit, tabela nr.2. Për më tepër, kjo strukture tarifash duhet të ndjekë parimet e mëposhtëme:

- Struktura e tarifave për pjesëmarrësit në tregjet e ALPEX-it duhet të jetë e njëjtë për të dy tregjet Shqipëri dhe Kosovë.
- Struktura e tarifave për pjesëmarrësit në tregjet e ALPEX-it duhet të jetë e thjeshtë.
- Komponentët e tarifave për pjesëmarrësit në tregjet e ALPEX-it që ngarkojnë çdo pjesëmarrës duhet të reflektojnë në një farë mase kërkesat për të ardhura të buxhetuara.
- Tarifat për pjesëmarrësit nuk duhet në mënyrë të paarsyeshme apo të diskriminojnë ndonjë kategori pjesëmarrësish.
- Tarifat janë vendosur mbi bazë fitimi pas vitin 2024 dhe deri në vitin 2028 do gjenerojnë fitim progresiv deri sa kapitali neto të jetë 250 milion lek.
- Pas vitit 2028 kur të arrihet targeti i mësipërm, tarifat do të vendosen mbi parimin e mos krijimit e të ardhurave si qëllim në vete, por vetëm do mbulojnë totalin e kostove. Kthimi nga kapitali ROE do të jetë në masën 5% në vit me qëllim përsëri ta bërrë ALPEX-in me atraktiv në mënyrë që të përballojë sfidat e së ardhshmes, atë të riorganizmit të tregjeve të energjisë në europë.

ALPEX është shumë i vetëdijshëm për sfidat ekonomike me të cilat përballen konsumatorët dhe pjesëmarrësit e tregut. Ndërsa tarifat e ALPEX përfaqësojnë një komponent shumë të vogël të kostove të përgjithshme të sistemit energetik, është thelbësore që ne, së bashku me pjesën tjetër të sektorit, të ndërmarrim të gjitha veprimet e kujdesshme për të ofruar shërbimet tona në mënyrë sa më efikase.

- ALPEX është angazhuar në një aktivitet transformues për të mbajtur nën kontroll shpenzimet operative dhe për të përmirësuar shërbimin tonë ndaj anëtarëve, për të përmirësuar praktikat tona të funksionimit, për të rritur përdorimin tonë të teknologjisë dixhitale dhe për të tërhequr dhe mbajtur talentin më të mirë që mundemi për të siguruar vlerë të qëndrueshme për anëtarët dhe konsumatorët.
- Modeli dhe struktura aktuale e biznesit të ALPEX u krijuan në një kohë shumë të ndryshme me sektorin tonë. Ndryshimet në industri kërkojnë që ALPEX të ketë talentin e duhur, mjetet e

vendimmarres dhe sistemet operative për të menaxhuar kompleksitetin në rritje të sektorit dhe për t'u ofruar vlerë konsumatorëve. Investimi i kërkuar kapital mund të jetë i rëndësishëm dhe është thelbësore që të kuptohet dhe që ne të punojmë me anëtarët tanë për t'u siguruar që mund të ofrojmë shërbimet që ata kërkojnë në një mënyrë që është efikase, ofron mundësi për të reduktuar kostot e pranueshme prej pjesëmarrësit dhe mbështet aftësinë e sektorit për të përfituar nga ndryshimet teknologjike, për të përfitimet e konsumatorëve të energjisë elektrike; dhe

- ALPEX është angazhuar për të fituar dhe ruajtur besimin e të gjithë palëve të interesit dhe ne besojmë se transparenca, integriteti i informacionit dhe në kohën e duhur, konsultimi dhe bashkëpunimi janë çelësi për arritjen e këtij besimi.

1. Prezantimi dhe Kuptueshmëria

Struktura aktuale e tarifave të anëtarëve të Bursës dhe anëtarëve të kleriimit në tregjet e energjisë elektrike të ALPEX është vendosur më 24 mars 2023 sipas Vendimit Teknik Nr. 5-C për "Listën e Tarifave të ALPEX". Lista e Tarifave në tregjet e energjisë elektrike të ALPEX u publikua në faqen e ueb-it të ALPEX.

Me fillimin e operimit të ALPEX-it për tregun e ditës në avancë fillimisht për zonën e ofertimit të Shqipërisë dhe me planifikimin në shtator 2023 të filloj operimin për tregun e Kosovës, së bashku me bashkimin e tregjeve Shqiperi Kosovë, ALPEX ka planifikuar që në Prill të viti 2024 do të lançojë tregun brenda të njëjtës ditë për zonën e ofertimit të Shqipërisë dhe në muajin qershor 2024 për zonën e ofertimit të Kosovës sëbashku me bashkimin e tyre të tregjeve. Proceset e integrimit të tregjeve Shqipëri-Kosovë me tregjet e tjera rajonal dhe atë evropian janë sfidat në vitet 2025 e në vijim.

Prej fillimit të strukturës aktuale dhe me planifikimin e një strukture të re me fillimin e operacionalizimit të ALPEX-it kanë ndodhur ndryshime të cilat kanë rritur kompleksitetin për parashikimet operacionale të tregjeve të ALPEX-it dhe proceseve integruese si dhe kërkesave për raportim rregulator të cilat kanë ndikuar në aktivitetin operacional të tij dhe në veçanti:

- Prezantimi i tre ankandeve në tregun brenda së njëjtës ditë në periudhën Prill-Qershor 2024;
- Aktiviteti operacional në tregtim 24/7;
- Aktivitetet monitoruese duke përdorur teknologjinë e duhur;
- Prezantimi i produkteve 30 dhe 15 minuta;
- Rritja e shpejtë e kapaciteve të burimeve të rinovueshme;
- Përmiresimi në perdonim i të dhënavë; dhe
- Ndryshime në sjelljen e konsumit për konsumatorët.

Ndryshimet e mësipërme kërkojnë që ALPEX-i të rrisë personelin dhe investimet kapitale për të përdorur sisteme që përballojnë sfidat teknologjike të cilat rrisin cilësinë e shërbimit, eleminojnë rreziqet operacionale dhe jepin modelet e duhura në parashikimet e tregjeve. Në përgjigje të këtyre zhvillimeve, ALPEX ka kërkuar njohjen që shpenzimet efikase do të përmirësojnë tregun e energjisë elektrike dhe mundësojnë rritjen e përfitimeve social-ekonomike të industrisë të energjise, veçanërisht duke e konsiderur që energjia elektrike është e kudondodhur në ekonominë moderne.

1.1 Parimet e Strukturës së Tarifave

Kjo metodologji propozohet të aplikohet për strukturën e tarifave. Vlera aktuale për çdo tarifë është në procesin e buxhetimit të ALPEX. Sipas Rregullave të Tregut të Enerjisë Elektrike - Kushtet e Përgjithshme, ALPEX ka të drejtë të aplikojë tarifat e tregut për anëtarët e regjistruar.

Në përcaktimin e strukturës së tarifave të anëtarëve të bursës, ALPEX duhet të ketë parasysh objektivat dhe struktura e tarifave të tyre duhet, për aq sa është praktike, të jetë në përpunje me një numër parimesh (të referuara në këtë dokument si Parimet e Strukturës së Tarifave) dhe këto janë të përcaktuara, në Tabelën nr.1 me një shpjegim dhe disa shembuj se si mund të zbatohen këto kërkesa për zbatimin e strukturës së tarifës së energjisë elektrike në tregjet Shqipëri-Kosovë.

Table 1 Parimet e aplikueshme për strukturën e tarifave

Parimi i strukturës së Tarifave	Kërkosat	Aplikim dhe shembuj
Objktivi	<p>Në përcaktimin e tarifave të anëtarëve të bursës dhe atyre të klerimit, ALPEX duhet të ketë parasysh objektivin.</p> <p>Objktivi është të promovojmë investime efikase në ekonomitë tonë dhe veçanërisht në sektorin energjetik, të promovojmë operimin efikas të sektorit dhe përdorimin e shërbimeve për energjinë elektrike për interesat afatgata të konsumatorëve që lidhen me:</p> <ul style="list-style-type: none"> (a) çmimin, cilësinë, sigurinë, besueshmërinë dhe sigurinë e furnizimit me energji elektrike; dhe (b) besueshmërinë dhe sigurinë e sistemit elektro-energetik 	
Thjeshtësia	<p>Struktura e tarifave të anëtarëve të bursës dhe atyre të klerimit në tregjet e ALPEX duhet të jetë e thjeshtë dhe të përmbysh shërbimet e dhëna.</p>	<p>ALPEX konsideron se parimi i thjeshtësisë do të thotë se baza e strukturës së tarifës dhe zbatimi i saj për anëtarë të ndryshëm duhet të jetë:</p> <ul style="list-style-type: none"> • e drejtpërdrejtë • lehtësishët e kuptueshme nga anëtarë e saj • aplikohet lehtësishët nga anëtarë e regjistruar dhe ALPEX • të parashikueshme dhe të pritshme përsa i përket ndikimeve dhe kostove
Jo-diskriminuese	<p>Tarifat e pjesëmarrësve nuk duhet që në mënyrë të paarsyeshme të janë diskriminuese kundrejt një kategori ose kategori të ndryshme të anëtarëve të regjistruar.</p>	<p>"Diskriminim do të thotë të trajtosh njerëz ose kategoritë njerëzve ndryshe ose në mënyrë të pabarabartë. Për më shumë, "diskriminim" ka një përkufizim juridik: "Diskriminim" është çdo dallim, përashtim, kufizim apo parapëlqim, pavarësishët nga shkaku, që ka si qëllim apo pasojë pengesën apo bërjen e pamundur të ushtrimit në të njëjtën mënyrë me të tjerët, të të drejtave e lirive themelore të njohura me Kushtetutën e Republikës së Shqipërisë dhe Kosovës, nga aktet ndërkombëtare të ratifikuara nga Republika e Shqipërisë dhe Kosovës, si dhe nga legislacioni në fuqi.</p>
Krahasueshmëria	<p>Në zhvillimin, rishikimin dhe publikimin e strukturës së tarifave, ALPEX duhet të marrë parasysh strukturat e tjera të tarifave ekzistuese ne tregjet rajonale apo europiane për të cilat mendon se janë të përshtatshme për qëllime krahasimi. Duhet patur parasysh se ky nuk është një parim konkret, por është përfshirë për plotësinë në përshkrimin e çështjet për të cilat ALPEX duhet të ketë parasysh.</p>	<p>Strukturat e tjera përkatëse të tarifave mund të përfshijnë:</p> <ul style="list-style-type: none"> • Strukturat e tjera të tarifave të tregut të energjisë elektrike si p.sh HUPX, CROPEX, HENEX, IBEX, BSP të paraqitura në Aneksin B.

Nuk ekzitojnë rregulla se cili prej Parimeve të Strukturës së Tarifave duhet të ketë peshë më të madhe se të tjerat. Megjithatë, kur nuk është praktike që ALPEX të përbushë të gjitha parimet ose t'i plotësojë të gjitha në një shkallë të barabartë, ALPEX mund të miratojë një strukturë që nuk është në përputhje me të gjitha parimet. Prandaj, përbushja e kërkesave të përcaktuara sipas objektivave zakonisht kërkon një zevendësim midis parimeve. Kjo do të thotë, një opson për të përmirësuar strukturën e tarifave kundrejt një parimi i cili mund të pakësojë zbatueshmërinë e një parimi tjetër.

Për shembull, parimet e konkurrencës së zakonshme janë reflektimi i kostos dhe thjeshtësisë. Ndërsa reflektimi i kostos në strukturën e tarifave mund të përmirësohet përmes masave të tillë si ndarja e tarifave, tregjeve ose shërbimeve, e cila do të zgjedhente thjeshtësinë e strukturës së tarifave.

1.2 Buxhetimi dhe Struktura e Tarifave

Operacionalizimi i ALPEX kërkon që anëtarët e bursës dhe anëtarët e klerimit në tregjet e tij të paguajnë tarifat të përcaktuara në Rregullat e Tregut të Energjisë Elektrike / Rregullat e ALPEX-it – Kushtet e Përgjithshme dhe Procedurat dhe të detajuara në Listën e Tarifave të ALPEX Aneksi A. Me konkretilisht në Rregullat e ALPEX seksioni B.4.5 “Tarifat e ALPEX-it” citohet:

- Kostot operacionale të Tregjeve të Ditës në Avancë dhe atyre Brenda së Njëjtës Ditë mbulohen nëpërmjet pagesave të Tarifave Fikse dhe Variabël nga Anëtarët e Bursës në ALPEX. Tarifat Fikse dhe Variabël propozohen nga ALPEX dhe miratohen me Vendim të Autoritetit Rregulator; dhe
- Tarifat Fikse dhe Variabël aplikohen pas kalimit të një periudhe kohore të përcaktuar në Vendimin e Autoritetit Rregulator të përmendur më lart.

Parashikmet në Procedurën e Klerimi dhe Shlyerjes seksioni G.6.5 “Tarifat e tjera” citohet:

ALPEX-i do të publikojë detajet e Tarifave të tjera fikse, pas miratimit përkatës të tyre.

Ndarjen e llogarive për funksionet e Operatorit të Bashkimit të Tregjeve dhe aktivistëve të tjera për të parandaluar ndër-subvencionimin sipas parashikimeve në rregulloren NEMO.

1.2.1 Aktivitet operacionale të NEMO

Funksioni bazë për organizmin dhe menaxhimin e tregut të organizuar me shumicë të energjisë elektrike nga ALPEX-i në rolin e NEMO përfshin:

- Operimin e tregut të organizuar me shumicë të energjisë elektrike për zonën e ofertimit të Shqipërisë dhe Kosovës.
- Operimin e klerimit dhe shlyerjes nga transaksionet në tregjet e ALPEX-it për zonën e ofertimit të Shqipërisë dhe Kosovës.
- Operimin e tregut të organizuar me shumicë të energjisë elektrike për bashkimin e tregjeve të Shqipërisë, Kosovës me tregjet e tjera rajonale dhe ato evropiane.
- Të gjitha kostot për shkak të aktivitetit të NEMO për themelin, ndryshimet dhe operimin e tregut/tregjeve të bashkuar të ditës në avancë dhe brenda së njëjtës dite mbulohen nga tarifat.
- Të gjitha kostot për shkak të aktivitetit të NEMO si kundër palë qendrore ndërkufitarë dhe rolin si agjent i transaksione (shipping agents) janë pjesë e mbulimit nga tarifat.
- Kostot në aktivitetin e bashkimit të tregjeve duhet të identifikohen dhe të trajtohen sipas metodologjisë së ndarjes së kostove midis NEMO-ve dhe OST-ve

1.2.2 Periudha e Strukturës së Tarifave

Kjo strukture tarifash aprovohet për një periudhë maksimumi deri në 31 Maj 2029. ALPEX duhet që të raportojë pranë entit rregulator për çdo devijim (min-max) nga parashikimi i ndryshimit të kapitalit sipas kalendarit tabela nr.2.


Tabela nr.2

Viti	2020	2021	2022	2023	2024	2025	2026	2027	2028
Kapitali neto në mijë lekë	250,000	217,256	164,907	68,736	60,735	98,000	146,000	207,000	250,000
Kapitali neto në mijë Euro (1 €=110 lekë)	2,273	1,975	1,499	625	552	891	1,327	1,882	2,273
Devijanca e lejuar në lekë (min-max)	N/A	N/A	N/A	N/A	30,000 ÷ 80,000	60,000 ÷ 100,000	130,000 ÷ 180,000	180,000 ÷ 220,000	230,000 ÷ 260,000

Nëse gjatë këtyre viteve kapitali neto është jashtë kufijëve të devijimit (Devijanca e lejuar) ALPEX duhet të dërgojë propozimin e ri në entet regulatore per konfimin ose rishikim të listës së tarifave. ALPEX mund të paraqesë për rishikim të listës së tarifave edhe në rastet e ndryshimeve legjislative, modelit të tregut apo zhvillimi të tjera rjonale dhe europiane të proceseve integruese.

1.3 Kategoritë e pjesëmarrësve në tregjet ALPEX-it

Të ardhurat e krijuara në operacionalizimin e ALPEX parashikohen të kenë burimet nga Anëtarët e Bursës dhe Anëtarët e Klerimit dhe të cilat do të mbulojnë kostot e alokuar dhe jo alokuar si dhe do të gjenerojnë fitim për të përbushur objektivin sipas kalendarit.



1.3.1 Anëtarët e Bursës

Anëtarët e Bursës tarifohen me tarifat fiksë të tillë si: Tarifa Administrative, Tarifa e Anëtarësimit për Anëtarin e Bursës, Tarifa Vjetore për Anëtarin e Bursës. Anëtarët e Bursës gjithashtu do të tarifohen me Tarifat Variabël siç janë: Tarifa Variabël e Tregtimit për €/MWh, Tarifa Variabël e Klerimit për €/MWh, Tarifa e Tregtimit në Emër të Dikujt Tjetër për Urdhërporosi.

1.3.2 Anëtarët e Klerimit

Anëtarët e Klerimit tarifohen me tarifat fiksë siç janë Tarifa e Aderimit të Anëtarit të Përgjithshëm të Klerimit, Tarifa Vjetore për Anëtarin Personal të Klerimit, Tarifa Vjetore për Anëtarin e

Përgjithshëm të Klerimit, Mirëmbajtja e Llogarisë së Klerimit për Anëtarin Personal të Klerimit dhe Tarifa Administrimit të Letër Garancisë Bankare.

ALPEX ka ndjekur një qasje që të ardhurat të vijnë më së shumti nga pjesëmarrja e Anëtarëve të Bursës në aktivitetin e tregtimit. Pra, komponenti variabël është dominues mbi atë fiks. Kjo nënkuon që pagesat që ata bëjnë kundrejt ALPEX gjatë një viti, të paktën 60% vijnë nga aktiviteti në tregtim dhe pjesa tjeter i përket tarifave fikse.

1.4 Tarifat shtesë të shërbimit

Aty ku është e mundur praktikisht që ALPEX të identifikojë se bërja e diçkaje specifike për një pjesëmarrës ose një palë tjeter jo të përfshirë në grupin 1.3.1 dhe 1.3.2, dhe ky veprim shkakton kosto të identifikuveshme dhe materiale për ALPEX, ALPEX do të vazhdojë të kërkojë të vendosë tarifa për të rikuperuar kostot shtesë të shkaktuara. Kjo mund të përfshijë:

- Tarifat e abonimit për shërbimet ose raportet e kërkua e prodhuar për pjestarët jo-anëtarë të ALPEX-it.
- Tarifimi për raportet dhe shërbimet ad-hoc të zhvilluara nga ALPEX dhe të ofruara nga sistemet e tij.
- Aplikimi i një tarife shërbimi për një pjesëmarrës ose një palë tjeter i cili paguan për kérkesat që lidhen me ëorshop, trainime dhe konferenca dhe të ngashme.

Aneksi A: Lista e Tarifave të ALPEX SHA si Operator i Emëruar i Tregut të Energjisë Elektrike (NEMO) për tregjet e Shqiperisë dhe Kosovës

Listë e Tarifave të ALPEX	Pagesa e tarifës	Referenca në monedhën Euro	Paguhet nga
Tarifa Administrative	Një herë	200 €	Anëtari i Bursës
Tarifa e Anëtarësimit për Anëtarin e Bursës	Një herë	7,000 €	Anëtari i Bursës
Tarifa e Aderimit të Anëtarit të Përgjithshëm të Klerimit	Një herë	5,000 €	Anëtari i Klerimit
Tarifa Vjetore për Anëtarin e Bursës	Vjetore	10,000 €	Anëtari i Bursës
Tarifa Vjetore për Anëtarin Personal të Klerimit	Vjetore	2,000 €	Anëtari i Klerimit
Tarifa Vjetore për Anëtarin e Përgjithshëm të Klerimit	Vjetore	6,000 €	Anëtari i Klerimit
Tarifa Variabël e Tregtimit për MWh	Transaksion	0.070 €	Anëtari i Bursës
Tarifa Variabël e Klerimit për MWh	Transaksion	0.020 €	Anëtari i Bursës
Tarifa e Tregtimit në Emër të Dikujt Tjetër	Urdhërporosi	20 €	Anëtari i Bursës
Tarifa për API Përdorues	Vjetore	2,000 €	Anëtari i Bursës
Mirëmbajtja e Llogarisë së Klerimit për Anëtarin Personal të Klerimit	Mujore	100 €	Anëtari i Klerimit
Tarifa e Administrimit të Letër Garancisë Bankare	Kur depozitohet	50 €	Anëtari i Klerimit
Tarifa vjetore e Trajnimit	Vjetore	200 €	Agjenti Tregtar dhe Klerues
Tarifa e Provimit	Vjetore	100 €	Agjenti Tregtar dhe Klerues
Certifikata digitale për përdorues	Vjetore	50 €	Anëtari i Bursës / Anëtari i Klerimit

- Për tregun e Kosovës të gjitha tarifat do të shlyen në monedhën Euro.
- Për tregun e Shqiperisë të gjitha tarifat do të shlyen në monedhën Euro për jo-rezidentet.
- Për tregun e Shqiperisë të gjitha tarifat fikse do të shlyen në monedhën Lekë.
- Mbi tarifat do të aplikohet TVSH-ja.

Aneksi B: Strukturat e tarifave të tregut të energjisë elektrike në tregjet e tjera krahasuese

Bursa energjisë Shteti	ALPEX	MEPX M.i.ZI	MEMO M. e Veriut	HENEX Greqia	IBEX Bullgaria	CROPEX Kroacia	SEEPEX Serbia	BSP Slovenia
Tarifa e Anëtarësimit në bursë	7,000 €	15,000 €	5,000 €	6,000 €	6,000 €	15,000 €	15,000 €	15,000 €
Tarifa Vjetore	10,000 €	12,000 €	9,000 €	10,000 €	12,000 €	12,000 €	10,000 €	4,500 €
Tarifa e tregtimit	0.07 €/MWh	0.1 €/MWh	0.065 €/MWh	0.046 €/MWh	0.07 €/MWh	0.06 €/MWh	0.095 €/MWh	0.07 €/MWh
Tarifa e Klerimit	0.02 €/MWh	0.02 €/MWh	0.02 €/MWh	0.015 €/MWh	0.01 €/MWh	0.03 €/MWh	0.02 €/MWh	0.02 €/MWh
Tarifa e aksesit të ETSS	N/A	5,000 €	N/A	N/A	N/A	4,000 €	8,000 €	5,000 €
Tarifa e përdoruesit shtesë në ETSS	N/A	3,000 €	N/A	N/A	1,500 €	1,000 €	3,000 €	1,000 €
Tarifa e protolotit shtese	N/A	2,000 €	2,000 €	N/A	3,000 €	1,000 €	2,000 €	N/A
Tarifa për përdorim API	2,000 €	N/A	N/A	S'ka info	2,400 €	1,500 €	S'ka info	1,000 €
Tarifa Vjetore e Anëtarit të Klerimit	6,000 €	N/A	N/A	9,600 €	N/A	N/A	N/A	N/A
Tarifa e Tregtimit në Emër të Dikujt Tjetër	20 € Urdhëporosi	50 € Urdhëporosi	50 € Urdhëporosi	10 € Urdhëporosi	N/A	N/A	S'ka info	N/A
Tarifa e trajnimi	200 €	N/A	N/A	150 €	400 €	N/A	S'ka info	200 €
Tarifa e provimit	100 €	N/A	N/A	150 €	150 €	N/A	S'ka info	100 €

